

✓ **ՏԵՂԱԿԱՆ ԻՆՔՆԱԿԱՌԱՎԱՐՄԱՆ ԵՎ ՀԱՄԱՅՆՔԱՅԻՆ ԾԱՌԱՅՈՒԹՅԱՆ ԲՆԱԳԱՎԱՌ**

ՀՀ Շիրակի մարզպետարանի տեղական ինքնակառավարման և հանրապետական գործադիր մարմինների հարցերով վարչության կողմից մշտական աշխատանքներ են տարվել մարզի տարածքային կառավարման և տեղական ինքնակառավարման մարմինների համատեղ և համաձայնեցված գործունեության ապահովման ուղղությամբ:

Նախապատրաստվել և անցկացվել են մարզի խորհրդի 4 հերթական նիստեր, որոնցում քննարկվել են համայնքների 2018 թվականի բյուջեների սեփական եկամուտների կատարման, գյուղատնտեսական աշխատանքների, ոռոգման և բերքահավաքի նախապատրաստման, 2017-2018 ուս. տարվա ամփոփման և 2018-2019 ուս. տարվա նախապատրաստման, հանրակրթությունից դուրս մնացած երեխաների հայտնաբերման, կարիքների գնահատման և հանրակրթություն վերադարձնելու ուղղությամբ կատարվող աշխատանքների, ՀՀ պետական բյուջեի միջոցներով մարզում առաջնահերթ լուծում պահանջող խնդիրների կատարման ընթացքի, համայնքներին սուբվենցիաների հատկացման նպատակով հայտերի ներկայացման կարգի, սուբվենցիաների տրամադրման գործընթացում միջգերատեսչական հանձնաժողովի կողմից հավանության արժանացած ծրագրերի իրականացման ընթացքի, մարզպետարանի ներքին աուդիտի բաժնի կողմից 2018 թվականի հունիս-սեպտեմբեր ամիսներին կատարված աշխատանքներին վերաբերող հարցեր:

2018 թվականի ընթացքում «Տեղական ինքնակառավարման մասին» ՀՀ օրենքի 33-րդ հոդվածի 4-րդ մասի 9-րդ կետի համաձայն ՀՀ Շիրակի մարզպետարան են առաքվել մարզի համայնքների ղեկավարների և ավագանիների կողմից ընդունված որոշումները, որոնք ուսումնասիրվել են մարզպետարանի համապատասխան ստորաբաժանումների կողմից: Ուսումնասիրության արդյունքում տեղական ինքնակառավարման մարմինների ոչ իրավաչափ որոշումների վերաբերյալ կազմվել են առարկություններ և ուղարկվել են համայնքներ՝ դրանք ՀՀ օրենսդրությանը համապատասխանեցնելու առաջարկությամբ: Արդյունքում տեղական ինքնակառավարման մարմինների կողմից ոչ իրավաչափ իրավական ակտերը համապատասխանեցվել են ՀՀ օրենսդրությանը և արդյունքների մասին ՀՀ Շիրակի մարզպետարան ներկայացվել են տեղեկություններ:

Ձեռնարկված միջոցների արդյունքում, նախորդ տարիների համեմատությամբ, էականորեն բարելավվել են տեղական ինքնակառավարման մարմինների կողմից ՀՀ օրենսդրությանը համապատասխան իրավական ակտերի ընդունման գործընթացը, չնայած որ դեռևս արձանագրվում են առանձին դեպքեր, երբ որոշումները օրենքով սահմանված յոթնօրյա ժամկետում չեն առաքվում մարզպետարան:

ՀՀ տարածքային կառավարման և զարգացման նախարարի 2018 թվականի հունվարի 19-ի թիվ 15-Ա հրամանով հաստատված՝ «Տեղական ինքնակառավարման մարմինների լիազորությունների իրականացման նկատմամբ իրավական և մասնագիտական հսկողության» աշխատանքային ծրագրով նախատեսված ՀՀ Շիրակի մարզի թվով 14 համայնքներում, ըստ եռամսյակների իրականացվել է իրավական և մասնագիտական հսկողություն:

Հիմք ընդունելով իրավական և մասնագիտական հսկողության հարցաշարերը՝ ուսումնասիրվել են համայնքների ավագանիների լիազորությունների և համայնքների ղեկավարների սեփական ու պետության պատվիրակած լիազորությունների իրականացման օրինականությունն ու արդյունավետությունը առողջապահության, արտակարգ իրավիճակների,

հողօգտագործման, պաշտպանության, առևտրի և ծառայությունների, կրթության, մշակույթի քաղաքաշինության, սոցիալական պաշտպանության, ընդերքօգտագործման ու անասնաբուժության և այլ բնագավառներում:

Ուսումնասիրությունների արդյունքների վերաբերյալ, ըստ համայնքների կազմվել են համապատասխան արձանագրություններ, որոնցում նշվել են համայնքների ավագանիների և համայնքների ղեկավարների սեփական ու պետության պատվիրակած լիազորությունների իրականացման ուղղությամբ կատարված աշխատանքներում տեղ գտած խախտումները, թերություններն ու բացթողումները:

Իրականացված իրավական և մասնագիտական հսկողության արդյունքները քննարկվել են համայնքների ավագանիների նիստերում, արձանագրված խախտումները համայնքների տեղական ինքնակառավարման մարմինների կողմից ընդունվել են ամբողջությամբ:

Արձանագրված խախտումների վերացման համար, մարզի տեղական ինքնակառավարման մարմինների կողմից կազմվել, հաստատվել ու գործողության մեջ են դրվել համապատասխան ժամանակացույցներ, համաձայն որոնց՝ համայնքների կողմից վերացվել են արձանագրված բոլոր խախտումները, թերություններն ու բացթողումները:

Իրավական և մասնագիտական հսկողության արդյունքում դրական տեղաշարժեր են արձանագրվել համայնքների զարգացման ծրագրերով նախատեսված աշխատանքների կատարման, ՀՀ օրենսդրությանը համապատասխան իրավական ակտերի ընդունման, կադրային գործի վարման և համայնքային ծառայության արդյունավետության բարձրացման, համայնքների ավագանիների լիազորությունների և համայնքների ղեկավարների սեփական ու պետության պատվիրակած լիազորությունների իրականացման ուղղությամբ:

Աշխատանքներ են տարվել համայնքներում ՀՀ Ազգային ժողովի (2018 թվականի դեկտեմբերի 9) և տեղական ինքնակառավարման մարմինների հերթական (Լուսակերտ և Հովտաշեն) ընտրությունների նախապատրաստման և անցկացման հետ կապված գործընթացները ՀՀ ընտրական օրենսգրքի դրույթներին և ՀՀ կենտրոնական ընտրական հանձնաժողովի սահմանած ժամանակացույցին համապատասխան կազմակերպելու ուղղությամբ:

Ամենօրյա աշխատանքներ են տարվել մարզի համայնքապետարանների աշխատակազմերի կադրային գործի բարելավման և համայնքային ծառայության ներդրման արդյունավետության բարձրացման ուղղությամբ:

2018 թվականի նոյեմբերին կազմակերպվել և անցկացվել է մարզի համայնքների ղեկավարների ու ավագանիների անդամների, ինչպես նաև մարզի համայնքապետարանների աշխատակազմերի համայնքային ծառայողների վերապատրաստման գործընթացը: Վերապատրաստված թվով 9 համայնքների ղեկավարներին, 15 ավագանու անդամներին և 16 համայնքային ծառայողներին տրվել են ավարտական վկայականներ:

2018 թվականի ընթացքում մարզի 28 համայնքներում համայնքների ղեկավարների կողմից թվով 133 համայնքային ծառայության թափուր պաշտոնների համալրման համար հայտարարվել են մրցույթներ, որոնցից չեն կայացել 21-ը: Մրցույթների հայտարարությունները սահմանված կարգով տեղադրվել են www.azdarar.am կայքում, տպագրվել են մամուլում և փակցվել են համայնքների տեղեկատվական ցուցատախտակներին:

Վարչության կողմից պատշաճ կարգով վարվում է նաև մարզի համայնքապետարանների աշխատակազմերի համայնքային ծառայողների վերաբերյալ տվյալների միասնական էլեկտրոնային գրանցամատյանը:

Աշխատանքներ են տարվել համայնքներում առկա համացանցային պաշտոնական կայքերի պատշաճ գործարկումը ապահովելու և դրանց միջոցով տեղական ինքնակառավարման մարմինների գործունեության հրապարակայնությունն ու թափանցիկությունը բարելավելու ուղղությամբ:

Ապահովվել է մարզի համայնքների ղեկավարների և ավագանիների կողմից ընդունված որոշումների տեղադրումը մարզպետարանի կայքում:

Հայաստանի Հանրապետությունում տեղական ինքնակառավարման համակարգի ներդրման 22 ամյակի կապակցությամբ նոյեմբերի 10-ին կայացած մրցանակաբաշխությունում մրցանակների են արժանացել Գյումրի համայնքը՝ «Մշակութային լավագույն համայնք 2018», Արթիկ համայնքը՝ «Տարվա նախաձեռնություն 2018» և Ամասիա համայնքը՝ «Տարվա նշանակալից առաջընթաց 2018» անվանակարգերում:

✓ ՊԵՏԱԿԱՆ ԿԱՌԱՎԱՐՄԱՆ ՄԱՐՄԻՆՆԵՐԻ ՏԱՐԱԾՔԱՅԻՆ ՍՏՈՐԱԲԱԺԱՆՈՒՄՆԵՐԻ ԳՈՐԾՈՒՆԵՈՒԹՅԱՆ ՀԱՄԱԿԱՐԳՈՒՄ

Անհրաժեշտ աշխատանքներ են տարվել նաև պետական կառավարման մարմինների տարածքային ստորաբաժանումների գործունեության համակարգման ոլորտում Հայաստանի Հանրապետության օրենսդրությամբ մարզպետին վերապահված լիազորությունների իրականացումն ապահովելու ուղղությամբ:

Մարզպետարանի, մարզի տեղական ինքնակառավարման մարմինների ու պետական կառավարման մարմինների տարածքային ստորաբաժանումների համագործակցված աշխատանքների արդյունքում ամբողջությամբ իրականացվել են մարզի բնակչության պաշտպանության համակարգի նախապատրաստման 2018 թվականի հիմնական միջոցառումների պլանով նախատեսված բոլոր միջոցառումները, ապահովվել է զորակոչային առաջադրանքների կատարումը:

Ճշգրտվել և թարմացվել են արտակարգ իրավիճակների, քաղաքացիական պաշտպանության, զորակոչի և զորահավաքի բնագավառներին առնչվող իրավական ակտերը:

Համապատասխան աշխատանքներ են տարվել Շիրակի մարզային զորակոչային հանձնաժողովի նիստերի կազմակերպման, տարկետման նպատակով ներկայացված անձնական գործերի ուսումնասիրման, մարզային հանձնաժողովի նիստերի ժամանակ ընդունված որոշումների և եզրակացությունների նախագծերի կազմման և ՀՀ ՊՆ առաքման ուղղությամբ:

Վարչությունը պատշաճ կերպով մասնակցել է նաև սույն թվականի սեպտեմբերի 11-13-ին անցկացված «ՇԱՆԹ 2018» ռազմավարական հրամանատարաշտաբային ուսումնավարժանքին, անհրաժեշտության դեպքում մեթոդական աջակցություն է ցուցաբերվել նաև մարզպետարանի ստորաբաժանումներին և մարզի 5000-ից ավել բնակչություն ունեցող համայնքներին: Արդյունավետ համագործակցություն է ապահովվել նաև Շիրակի կայազորի զորամասերի, մարզում տեղակայված ՌԴ սահմանապահ զորքերի և 102-րդ ռազմաբազայի հրամանատարության հետ, անցկացվել են մի շարք համատեղ միջոցառումներ:

ՀՀ պետական սահմանի պաշտպանությանը ակտիվ մասնակցություն ցուցաբերելու համար մարզի սահմանամերձ համայնքների 6 բնակիչներ և սահմանապահ զորամասի 2 ծառայողներ ՀՀ Շիրակի մարզպետի կողմից պարգևատրվել են արժեքավոր նվերներով և շնորհակալագրերով:

ՀՀ ՇԻՐԱԿԻ ՄԱՐԶՊԵՏԱՐԱՆԻ
ՏԻ և ՀԳՄՀ ՎԱՐԶՈՒԹՅԱՆ ՊԵՏ՝

Ա. ԱՆՏՈՆՅԱՆ

26.12.2018թ.